



Anthon Frederiksen, Partii Naleraq

## Asasara Anthon Frederiksen

Date: 15. november 2016  
Sags nr. 2015 - 10345  
Akt nr. 4033229

Ulloq 9. november 2016 Nunanut allanut tunngasutigut naalakkersuinikkut ingerlatsineq nassuiaatip suliarineqarneranut atatillugu, apeqqutit matuma kingulianiittut apeqqutigaaatit. Inuussutissarsiormerut, Suliffeqarmerut, Niuernerut, Nukissiuuteqarmerut Nunanullu Allanut Naalakkersuisup uannut akisassanngorlugit ingerlateqqippai. Inuussutissarsiormerut, Suliffeqarmerut, Niuernerut Nukissiuuteqarmerullu Naalakkersuisoqarfik Impact Benefit Agreement (IBA) pillugu paasissutissanik tunniusseqataavoq.

Postboks 930  
3900 Nuuk  
Tlf. (+299) 34 68 00  
E-mail: [mmr@nanoq.gl](mailto:mmr@nanoq.gl)  
[www.govmin.gl](http://www.govmin.gl)

## Apeqqut

**Ilisimavarput rubininik Kalaallit Nunaanneersunik nalilersorneqarsimanngitsunik annissisoqarsimasoq.**

**Rubinit Kalaallit Nunaanneersut anninneqartarnerannik nakkutiginninneq Naalakkersuisut qanoq iliorlutik qulakkeerniarpaat?**

Akissut: Aatsitassanik avammut annissinermi, ilanngullugit rubinit, ingerlatseqatigiiffik aatsitassarsiorluni misissueqqaarnissamut imaluunniit aatsitassarsiorluni misissuinissamut akuersissummik peqartoq, Aatsitassanut oqartussaasumi avammut annissinissamut akuersissummik qinnuteqartussaavoq. Aatsitassanut Ikummatissanullu Naalakkersuisoqarfiup tassunga atatillugu ujaqqanik pinnerasaasiassalerinikkut aatsitassat, ilanngullugit rubinit, toqqartukkat nalilersussavai.

Aatsitassanut Ikummatissanullu Naalakkersuisoqarfiup LNS Greenland Gems A/S-imut ("LNSGG") piaanissamut akuersissummit rubininik aamma safir-inik aappaluartunik avammut annissuinerut pisussamut nakkutiginneriaasia malillugu Aatsitassanut Ikummatissanullu Naalakkersuisoqarfiup maleruagassai naaportorlugit avammut annissinissaq pitinnagu, Aatsitassanut Ikummatissanullu Naalakkersuisoqarfik LNSGG-ip immikkoortiterineranik ujaqqanik pinnerasaasiassalerinikkut nalilersuisassaaq kiisalu rubinit aamma safir-it aappaluartut tamarmik naleqarnerat nalilernerqartassalluni.

Aatsitassanut Ikummatissanullu Naalakkersuisoqarfiup Ujarassiormerut immikkoortortaqarfia aatsitassanik akisuunik (diamantit, safir-it, rubinit, smaragd-it, chrysoberyl-it aamma opal-it) tunisinissaq imaluunniit avammut annissinissaq sioqqullugu pisussaaffiliinngitsumik missiliuilluni naliliisassasoq,

maannakkorpiaq annikitsumik aatsitassarsiornissamut akuersissutini atugassarititaasut ilaatinneqarput. Annikitsumik aatsitassarsiornissamut pisinnaatitsissummik pigisaqartup rubinit nunani allani tunineqartussanngorlugit imaluunniit allatut siunertaqartumik avammut anninnissaat kissaatigippagu, rubinit naleqarnerat nalilerneqareerpat avammut annissinissamut akuersissut tunniunneqassaaq.

Aatsitassanut ikummatissanullu inatsimmut allannguutissatut siunnersuutip ulloq 1. januar 2017 atuutilermerani § 45 c allanngortinneqarpoq, aammalu aatsitassanut ikummatissanullu inatsit aatsitassanut akisuunut nassuiaassummik imaqaarunnaassaaq. Taamaalilluni nunaqavissoq akuersissummik peqarani aatsitassanik tamaginnik, ilanngullugit rubinit, kisianni aatsitassat qinngornernik ulorianartunik akoqartut ilaanatik, katersisinnaalissaaq piiasinnaalissallunilu. Aatsitassanut Ikummatissanullu Naalakkersuisoqarfiup Ujarassiormerut immikkoortortaqaarfia tunisinissaaq imaluunniit inuussutissarsiutigalugu avammut annissinissaaq sioqqullugu aatsitassanik aalajangersimasunik, ilanngullugit rubinit, pisussaaffiliinngitsumik missiliuilluni naleqarnerannik naliliisassasooq, suli piumasaqaataassaaq. Taamatuttaaq inuussutissarsiutigalugu avammut annissinermi avammut annissinissamut akuersissut pisariaqartinneqartussaavoq. Piumasaqaat taanna, annikitsumik aatsitassarsiornissamut pisinnaatitsissummik pigisaqartunut aamma nunaqavissunut annikitsumik aatsitassarsiornissamut akuersissummik peqaanngitsunut, atuutissaaq aammalu piumasaqaatit allat ilanngullugit nalunaarummi suliarineqaleruttortumi allassimassalluni.

**Rubinit nunatsinnit anninneqartarnissaat pinngitsoortinniarlugu nakkutiginninnerup sukannerulerinneqarnissaa pillugu Naalakkersuisut aalajangersimasunik pilersaaruteqarpat?**

Akissut: Aatsitassanut suliassaqaarfimmi ingerlatat annertunerulersinnissaannik Naalakkersuisut siunertaqarput, ilanngullugit aatsitassarsiorfinnut suliassat, nunap karsianut isertitaqartitsinerulersinnaasut, amerlanerulernerisa angunissaat, innuttaasunut kalaallinut ingerlatseqatigiiffinnullu kalaallinit pigineqartunut suliffissaqartitsinissaaq aammalu Kalaallit Nunaanni inuussutissarsiornikkut piginnaasaqarnernik ineriartortitsinerup qulakkeernissaa. Taamaalillutik Naalakkersuisut piiaanerup imaluunniit Kalaallit Nunaannit aatsitassanik avammut annissuinerup annikillisinissaannut pilersaaruteqaanngillat, taamaangilluinnarpoq.

LNSGG-ip rubininut aamma safir-inut aappaluartunut aatsitassarsiorfiata tunisassiorluni aallartinnerani, rubininik aamma safir-inik aappaluartunik Kalaallit Nunaanneersunik avammut annissuineq maannamut pisartunit pisariunerulertussaavoq naleqarnerulertussaallunilu, taamaattumillu tamanna aamma rubininik aamma safir-inik aappaluartunik avammut annissuinermut atatillugu maannakkut oqartussaasut nakkutiginninnerisa annertuumik sukannerulerinneqarneranik malitseqartussaavoq.

Aatsitassanut Ikummatissanullu Naalakkersuisoqarfiup tamatuma saniatigut Ilanngaaserisutut oqartussaasut suleqatigai aammalu ilaatigut najoqqutassanik Ilanngaaserisutut oqartussaasut aatsitassanut ikummatissanullu maleruagassanik

nutaanik atuutsitsiniarnerannut aammalu aatsitassat suussusaat assigiinngitsut paasiniarnerannut atorsinnaasaat, suliarileruttorlugit.

**Kalaallit Nunaanni rubininik suliarinnittarnissap aqutissiuunneqarnissaa pillugu Naalackersuisut aalajangersimasunik pilersaaruteqarpat?**

Akissut: Aatsitassanut ikummatissanullu inatsimmi § 18 imm. 3 naapertorlugu Kalaallit Nunaanni aatsitassanik suliareqqiineq ilaatigut Inuussutissarsiornermut, Suliffeqarnermut, Niuernermut Nukissiuuteqarnermullu Naalackersuisoqarfiup susassaqarfigimmagu, makkua oqaatigineqassapput.

Qeqertarsuatsiaat eqqaanni rubininut/safir-inut suliassamut piiaanissamut akuersissummik tunniussinermut atatillugu, Impact Benefit Agreement (IBA) isumaqatigiissutigineqarpoq. IBA-mi suliassaq qanoq Kalaallit Nunaanniitinneqassanersoq sinaakkutissii voq aammalu tamatumunnga nangissutigalugu suliassaqarfinni arlalinni ukiumut siunnerfissat aalajangersimasut nassuiarneqarlutik.

Siunnerfiit aalajangersimasut taakkua ilaatigut suliffeqarfinnik kalaallinit pigineqartunik akuutitsinissamut, nunaqavissunik sulisoqarnissamut, ilinniartitaanermi suliniutinut allanullu inooqatigiinnermut kulturimullu tunngasunut, tunngassuteqarput. Taamatuttaaq rubininut/safir-inut suliassaq pillugu suliareqqiineq/suliarinninneq pillugit aalajangersakkat IBA-mi ilanngunneqarput.

Nuummi atortorissaarut aatsitassarsiorfimmut suliassamut atasoq korund-inik suliarineqanngitsunik (rubinit) saliiviusassasoq, IBA-mi aamma Piiaanissamut matusinissamullu pilersaarummi allassimareerpoq. Tamatuma kingorna korund-it saleriikkat immikkoortiterneqassapput, poortorneqassallutik aammalu umiarsuarmik aallarunneqassallutik. Taamaattumik maannakkut aaqqiinermit Kalaallit Nunaanni suliareqqiisarneq ingerlanneqareerpoq.

Tamatuma saniatigut Kalaallit Nunaanni suliareqqiisarnerup/suliarinninnerup ingerlaqqittarsinnaanera pillugu IBA-mut ilanngussaq A.1.3-imi kiisalu Piiaanissamut matusinissamullu pilersaarummi aalajangersagaq ilanngunneqarpoq. Aalajangersakkami aalajangersarneqarpoq, Kalaallit Nunaanni ujaqqanik erlinnartunik silisinerup aamma qillersaanerup imminut akilersinnaassusaa pillugu nassuiaammik, pisinnaatitsissummik pigisaqartoq 2017-imi juulip aallaqqaataanit kingusinnerunngitsumi Naalackersuisunut nassiussissasoq.

Aammattaq nassuiarneqarpoq suliareqqiineq/suliarinninneq annertunerusoq Kalaallit Nunaanni ingerlanneqarsinnaassasoq aalajangertoqarpat, ingerlatat nutaat takuneqarsinnaanissaannut ilaatigut IBA-p nutarterneqarnissaa pisariaqartinneqassasoq.

Taamaattumik Naalackersuisut Piiaanissamut matusinissamullu pilersaarutip akuersissuteqarfigineqarnerani kiisalu pisinnaatitsissummik pigisaqartoq aamma Kommuneqarfik Sermersooq suleqatigalugit Kalaallit Nunaanni rubininik siunissami suliarinnittarsinnaanerup iliuuseqarfiginissaanut suleriaasissat



aalajangersimasut IBA-mut isumaqatigiisummi allanneqarnerat qulakkeerneqareerpoq.

IBA ilanngussartaqartoq takuneqarsinnaavoq uani [www.naalakkersuisut.gl](http://www.naalakkersuisut.gl) naqitat ataanni.

Aatsitassanut Ikummatissanullu Naalakkersuisoqarfiup tamatuma saniatigut annikitsumik aatsitassarsiormerut suliassaqarfiup nukittorsarnissaa sulissutigaa, ilanngullugit annikitsumik aatsitassarsiornissamut pisinnaatitsissummik pigisaqartut rubininik piiaanermik aamma suliareqqiineramik suliaqartut. Aatsitassanut Ikummatissanullu Naalakkersuisoqarfik tassunga atatillugu 2015-imi Nuummi annikitsumik aatsitassarsiorneq pillugu suliaqarluni ataatsimiititsivoq, ilaatigut rubininik suliarinnittarnermut tunngasumik, aammalu annikitsumik aatsitassarsiorneq pillugu suliaqarluni ataatsimiititsineq alla 2016-imi Narsami ingerlanneqarpoq.

Kalaallit Nunaanni annikitsumik aatsitassarsiorniluni ingerlataqarnerup, ilanngullugu ilaatigut rubininik suliarinnittarneq, nukittorsarneqarnissaa siunertaralugu, Aatsitassanut Ikummatissanullu Naalakkersuisoqarfiup maannakkorpiaq nassuiaat sularaa, tassani allagartaliilluni akuersissuteqartarnermut aaqquissuussineq tunngavigalugu ujaqqanik Kalaallit Nunaanni piiarneqartunik suliarineqartunillu tuniniaanissamik nittarsaassisarneq nukittorsarneqassalluni. Aatsitassanut Ikummatissanullu Naalakkersuisoqarfiup maannakkorpiaq suliniutissaq tulluuttut aalajangersarsimangilai, kisianni annikitsumik aatsitassarsiormerut suliassaqarfiup nukittorsarneqarnissaanut aammalu ilaatigut Kalaallit Nunaanni rubininik suliarinnittarnermut suli immersueqataanini ingerlatiinnassamaarlugu.

Inussiarnersumik inuulluaqqusillunga



Múte B. Egede